

**Uunga siunnersuut: Sanaartorneq pillugu Inatsisartut inatsisaata
allanngortinneqarnera pillugu Inatsisartut inatsisaat kiisalu Grønlands tekniske
Organisationi pillugu Inatsisartut peqqussutaata allanngortinneqarnerat**

(Sanaartukkani piusuni nukimmik sipaarniarluni aaqqissuussinerit kiisalu nuna tamakkerlugu
Illuutit Inissiallu nalunaarsuiffiannik BBR-imik pilersitsinissamut Naalakkersuisunut
piginnaatitsisut)

(Ineqarnermut Attaveqaasersuutinullu Naalakkersuisoq)

Akissuteqaat

(Ineqarnermut Attaveqaasersuutinullu Naalakkersuisoq)

Aappassaaneerneqarnera

Naalakkersuisut sinnerlugit Sanaartornermut Ataatsimiititaliaq, isumaliutissiissuteqarneranut
aammalu peqqissaartumik ataatsimiititaliap sulisimaneranut, qutsavigaara.

Sanaartornermut Ataatsimiititaliap isumaqatigiittup siunnersuutip akuerineqarnissaa
inassutigimmagu Naalakkersuisut nuannaarutigaa.

Kisiannili paasinarsivoq, inatsisissatut siunnersuutip kalaallisoortaani oqaatsitigut
ataasiakkaanik naapertuutinngitsoqartoq paasineqarsimasoq.

Taamaattumik oqaluuserisassap pingajussaaneerneqarnissaanut Naalakkersuisut
allannguutissatut siunnersuummik, pisumik iluarsisussamik, saqqummiissapput.

Taamatut oqaaseqarlutik Naalakkersuisut, siunnersuutip akuerineqarnissaa siunertaralugu
pingajussaaneerneqartussanngussasoq, inassutigaa.

